

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 1077763 24 St
Sarajevo, 29.04.2025. godine

Općinski sud u Sarajevu, i to stečajni sudija Ivana Kulić, u stečajnom postupku nad privrednim društvom BTG d.o.o. Sarajevo, ulica Halilovići broj 10, Sarajevo, dana 29.04.2025. godine donio je sljedeće:

R J E Š E N J E

Stečajnom upravniku Karić Amri određuje se nagrada u bruto iznosu od 2.000,00 KM za obavljene poslove stečajnog upravnika.

Nalaže se računovodstvu ovog suda da stečajnom upravniku Karić Amri, isplati navedene iznose na tekući račun.

Isplatom teretiti depozitni račun ovog suda na koji je predlagatelj Nađa Suljanović (rođ. Pašalić) uplatila predujam u iznosu od 4.500,00 KM dana 16.05.2024. godine prema nalogu za uplatu.

O b r a z l o ž e n j e

Rješenjem ovoga suda od 14.06.2024. godine pokrenut je prethodni postupak nad stečajnim dužnikom te je za privremenog stečajnog upravnika imenovana Amra Karić iz Sarajeva.

Dana 28.01.2025. godine rješenjem ovog suda otvoren je i odmah zaključen stečajni postupak nad stečajnim dužnikom i istim rješenjem za stečajnog upravnika imenovana je Amra Karić iz Sarajeva.

Stečajni upravnik je obavio sve poslove koji su mu naloženi pomenutim rješenjima, te obavio sve ostale poslove u ovom stečajnom postupku.

Prema članu 77. stav 4. Zakona o stečaju FBiH stečajni upravnik ima pravo na nagradu u skladu sa pravilnikom. Shodno navedenom, imajući u vidu obim poslova stečajnog upravnika, sud je u skladu da članom 3. stav 2 tačka c) i č); i članom 7. i 8. Pravilnika o naknadama i nagradama za rad stečajnog upravnika i članova odbora povjerilaca FBiH („Službene novine FBiH“ broj 4/22 od 14.01.2022. godine) da se nagrada stečajnom upravniku u predmetima u kojima nema stečajne mase za unovčenje, određuje se paušalno u iznosu do 1.500 KM, odnosno nagrada za prethodni postupak se određuje u iznosu od 500,00 do 5.000,00 KM, to je sud donio odluku o ukupnoj nagradi stečajnom upravniku za obavljene poslove u iznosu od 2.000,00 KM.

STEČAJNI SUDIJA
Ivana Kulić

POUKA: Protiv ovog rješenja dozvoljena je žalba u roku od 8 dana od dana objavljivanja putem ovog suda Kantonalnom sudu u Sarajevu. Žalba se podnosi u tri primjerka.